




Starfsáætlun Flúðaskóla 2017 - 2018



[Helstu símanúmer skólans \(smellið\)](#)

[Upplýsingar um skólaakstur og símanúmer bílstjóra \(smellið\)](#)

[Starfsfólk skólans, netföng og starfsheiti \(smellið\)](#)

Skólahúsnæði

Skólahúsnæðið opnar kl 8:00 og kennsla hefst kl 8:35, skóla lýkur kl. 15:00 nema á föstudögum kl 12:15. Ekki er gert ráð fyrir að nemendur dvelji í skólanum utan þess tíma.

Kennsluhættir

Til að allt nám sé í anda Skólanámskrár Flúðaskóla skal lögð áhersla á:

- Virka þátttöku og sjálfstæð vinnubrögð, samvinnu, upplýsingaleit, skapandi viðfangsefni og tjáningu
- fjölbreytta kennsluhætti og koma sem best til móts við þarfir hvers nemanda

- útikennslu og tengsl við samfélagið
- virkni nemenda og áhuga
- fjölbreytni námsmats
- að efla sjálfsvirðingu og vellíðan nemenda þannig að þeir öðlist jákvæða sjálfsmynd
- að nemendur finni til ábyrgðar gagnvart sjálfum sér og umhverfi sínu
- að efla siðgæði, víðsýni, umburðarlyndi og tillitssemi
- að nemendur tileinki sér skipuleg og vönduð vinnubrögð
- að efla hæfni nemenda til að vinna með öðrum
- að námið myndi samfellda heild frá upphafi, kennarar vinni markvisst saman innan árganga, milli bekkja og innan greina að heilsueflandi skóla.

Kennsluáætlanir verða á heimasíðu (*smellið*)

Val á unglingastigi

Nemendur þriggja efstu bekkjanna velja sér námsgreinar fimm kennslustundir á viku. Valgreinar eru hluti af skyldunámi og má fella í þrjá meginflokka samkvæmt Aðalnámskrá. Um er að ræða val sem miðar að skipulegum undirbúningi fyrir nám á bóknámsbrautum framhaldsskóla, val sem miðar að skipulegum undirbúningi fyrir starfsmenntun, list- eða tækninám, val um viðfangsefni sem vikka sjóndeildarhring nemenda og stuðla að lífsfyllingu.

Hjá 9. og 10. bekk er einn tími á töflu, sem hugsaður er sem heimanámstími, en þar geta nemendur valið hvaða námsgrein þeir vinna í hverju sinni.

Haldinn er kynningarfundur þar sem valgreinarnar eru kynntar fyrir nemendum.

Skólabragur

Skólabragur

Góður skólabragur verður til í umhverfi þar sem öllum líður vel, þar sem samskipti byggja á gagnkvæmri virðingu einstaklinga, stöðugri hvatningu og jákvæðri gagnrýni.

Við í Flúðaskóla leggjum áherslu á að nemendur, forráðamenn og starfsfólk skólans geri sér ljósa grein fyrir skyldum sínum og réttindum. Stefnt skal að því að skapa góðan liðsanda innan skólans þar sem hæfileikar hvers og eins fá að njóta sín í samvinnu hópsins.

Virðing – vitneskja

Með námi í Flúðaskóla leggjum við áherslu á að nemandi:

- Öðlist jákvæða og sterka sjálfsmynd og geti sýnt öðrum tillitsemi og umburðarlyndi
- sýni heiðarleika, vandvirkni og almenna háttvísi

- sýni sjálfstæði í námi og hugsun, skipulögð vinnubrögð og agaða framkomu
- beri virðingu fyrir eigin verkum og annarra, skoðunum og umhverfi sínu
- sýni færni, áhuga og sjálfstraust til að afla sér virðingar og aukinnar þekkingar
- hafi almenna þekkingu á þjóð og því siðgæði sem hér ríkir og sé meðvitaður um þær skyldur sem bíða hans út í þjóðfélaginu
- hafi náð grundvallarþekkingu til að geta hafið nám á framhaldsskólastigi á þeirri braut sem hann stefnir að.

Til að ofangreind markmið náist þarf:

- Gott samstaf milli skóla og heimilis og gagnkvæmt upplýsingastreymi
- nemandi að öðlast tilfinningalegt öryggi og vellíðan í skóla
- innra starf skólans að einkennast markvisst af skapandi og lifandi skólastarfi og fjölbreyttum kennsluáferðum
- skólinn að vinna markvisst með atvinnulífi svæðisins svo öllum nemendum hans gefist tækifæri til að meta fjölbreytileika þess
- allt starf skólans að vera á þann veg að nemendur fái skólauppeldi í samræmi við ofangreind markmið og hvetji þá til dáða.

„Opinn skóli“

„Opinn skóli“ fyrir foreldra í Flúðaskóla er tvisvar á hverju skólaári, sjá skóladagatal. Í samræmi við skólustefnuna viljum við tengja foreldra sem best við starfið okkar, og því skorum við á foreldra að koma í heimsókn í opnum vikum, þegar þeim hentar, og taka virkan þátt í starfinu með okkur. Settar eru upp þrjár leiðir fyrir foreldra sem allar ganga út á að sá sem kemur bóki sig á tíma hjá viðkomandi kennara eða skólastjórnendum. Umsjónarkennarar senda tilkynningu til foreldra ef einhverjir sérstakir viðburðir eru í gangi hjá viðkomandi bekk þessar vikur.

Stuðningsfulltrúi:

Foreldri kemur í 40 mínútna kennslustund og er tilbúinn að aðstoða alla nemendur í bekknum í þeim verkefnum sem eru í gangi undir stjórn kennarans.

Kennari:

Foreldri kemur í kennslustund með fræðslu sem tekur 10-40 mínútur. Foreldrið skipuleggur kennsluna eftir sínu áhuga-, þekkingar- og reynslusviði.

Gæsla í frímínútum: Foreldrar taka að sér að vera í gæslu í frímínútum:

Kl. 9:55 – 10:15, 8.-10. bekkur inni og 1. – 7. bekkur úti

Samræmd könnunarpróf

Megintilgangur samræmdra könnunarprófa er að veita skólum, nemendum og foreldrum upplýsingar um stöðu nemenda og skapa færi á að styðja við nám þeirra í viðkomandi greinum.

Þær breytingar verða á fyrirkomulagi samræmdra könnunarprófa þetta skólaárið er að þau verða lögð fyrir með rafrænum hætti. Einnig hefur verið ákveðið að halda samræmd könnunarpróf að vori í 9. bekk. Nemendur í 10. bekk munu þreyta próf vorið 2017, sömu daga og 9. bekkur en prófin í 4. og 7. bekk verða haldin í september.

Í 4. og 7. bekk er prófað í íslensku og stærðfræði en í 9. og 10. bekk er prófað í íslensku, ensku og stærðfræði.

Nánari upplýsingar eru að finna á heimasíðu [Menntamálastofnunar](#)

[Skóladagatal](#) (*smellið*)

Skýringar við skóladagatal

Meðfylgjandi er slóð á skóladagatal Flúðaskóla. Hér á eftir er að finna nánari útskýringar á því.

- **14.-21. ágúst.** Endurmenntunar- og skipulagsdagar. Þessa daga eru starfsmannafundir, skipulagsfundir, undirbúningur kennslu, námskeið og fleira.
- **22. ágúst.** Skólasetning. Nemendur mæta í skólann frá 9 – 11. Stundatöflur afhentar og önnur gögn. Skertur dagur
- **23. ágúst.** Skógardagur í Þjórsárdal. Nemendur vinna að margvíslegum verkefnum í samvinnu við nemendur í Þjórsárskóla.
- **14. september.** Gönguferð að haust. Skólabílar aka nemendum að bænum Kaldbak. Þaðan er svo gengið að Kaldbaksvatni. Gert er ráð fyrir að vera komin til baka í skólann um hádegi. Kennsla samkvæmt stundaskrá það sem eftir lifir dags.
- **15. september.** Réttir. Skólanefnd ákveður að halda hefð sveitarfélagsins og gefa öllu sínu starfsfólki leyfi þennan dag.
- **18. september.** Foreldra- og nemendaviðtalsdagur. Skólasel opið hefðbundinn opnunartíma. Skertur dagur.
- **Samræmd próf.** 21. - 22. september eru samræmd könnunarpróf í 7. bekk, 28. - 29. september í 4. bekk og 7.-9. mars í 9. bekk.
- **6. október** starfsdagur. Kennarar fara á „Menntakviku“ í Reykjavík.
- **20. október.** Starfsdagur. Kennaraþing KS haldið á Hellu.
- **16. nóvember.** Halldórsmtót. Skákmót haldið í minningu Halldórs Gestssonar, fyrirverandi húsvarðar Flúðaskóla. Hefðbundin kennsla eftir hádegi.
- **17. nóvember.** Dagur íslenskrar tungu. Haldinn hátíðlegur eftir hádegi. Gestum boðið í skólann. Tvöfaldur dagur.
- **4. – 8. desember.** Opin vika. Foreldrar hvattir til að mæta í skólann og taka þátt í skólastarfinu.
- **20. desember.** Litlu jólin. Skertur dagur.

- **Jólaleyfi nemenda** er frá og með 21. desember til og með 3. janúar.
- **3. janúar.** Starfsdagur. Fundahöld og undirbúningur.
- **4. – 8. desember.** Opin vika. Foreldrar hvattir til að mæta í skólann og taka þátt í skólastarfinu.
- **17. janúar.** Foreldra- og nemendaviðtalsdagur. Skólasel opið hefðbundinn opnunartíma. Skertur dagur.
- **14. febrúar.** Öskudagur. Öskudagsskemmtun í samvinnu við foreldrafélagið í lok skóladags.
- **26. – 27. febrúar.** Vetrarfrí.
- **28. febrúar.** Starfsdagur.
- **20. mars.** Árshátíð 1. – 7. bekkjar. Dagskrá frá 16 – 18. Tvöfaldur dagur hjá þessum nemendum.
- **22. mars.** Árshátíð 8. – 10. bekkjar. Kvölddagskrá. Tvöfaldur dagur hjá þessum nemendum.
- **Páskaleyfi nemenda** er frá og með 24. mars til og með 2. apríl.
- **9. – 13. apríl.** Opin vika. Foreldrar hvattir til að mæta í skólann og taka þátt í skólastarfinu.
- **21. og 22. maí.** Umhverfisdagur og sundmót. Unnið er að fegrun umhverfis skólans, ásamt því að árlegt sundmót er haldið.
- **28. og 29. maí.** Ferðalög. Annan daginn fara bekkir í vorferð með rútu. Hinn daginn vinna þau verkefni í nágrenni skólans. 10. bekkur fer í tveggja daga vorferð.
- **30. maí.** Vorhátíð. Ýmis vinna og hreyfing með grilli og leikjum. Skertur dagur.
- **31. Maí.** Starfsdagur.
- **júní.** Skólaslit. Skertur dagur.
- **4. – 6. júní.** Frágangsdagar. Uppgjör ársins, frágangur og undirbúningur fyrir næsta skólaár.

Nefndir og ráð

Skólanefnd

Skólanefnd starfar í umboði hreppsnefndar og fundar í síðustu viku í hvers mánuðaðar Fræðslunefnd fer með málefni grunnskóla og leikskóla samkvæmt lögum og reglugerðum og sveitarstjórnarlögum. Hreppsnefnd getur auk þess falið nefndinni önnur verkefni á sviði skólamála. [Hér](#) má sjá nöfn nefndarmanna.

Skólaráð

Við grunnskóla skal starfa skólaráð sem er samráðsvettvangur skólastjóra og skólasamfélagsins um skólahald. Skólaráð tekur þátt í stefnumörkun fyrir skólann og mótun sérkenna hans. Skólaráð fylgist almennt með öryggi, aðbúnaði og velferð nemenda. Skólaráð skal skipað níu einstaklingum til tveggja ára í senn, tveimur fulltrúum kennara ásamt einum fulltrúa annars starfsfólks, tveimur fulltrúum nemenda og tveimur fulltrúum foreldra auk skólastjóra sem ber ábyrgð á stofnun ráðsins. Skólaráð velur að auki einn fulltrúa grenndarsamfélagsins til að sitja í ráðinu eða viðbótarfulltrúa úr hópi

foreldra. A.m.k. einu sinni á ári skal vera sameiginlegur fundur skólaráðs og nemendaráðs. [Hér](#) má sjá nöfn nefndarmanna.

Nemendaverndarráð

Í skólanum er starfandi nemendaverndarráð. Nemendaverndarráð fjallar um málefni einstakra nemenda eða nemendahópa og leitar úrræða á vandamálum er upp koma. Fundir eru haldnir reglulega eftir þörfum. Í nemendaverndarráði sitja skólastjórnendur, deildarstjóri sérkennslu og sálfræðingur. Nemendaverndarráð starfar samkvæmt reglugerð nr. 584/2010.

Nemendaráð

Ráðið er skipað nemendum úr 7. – 10. bekk, einn úr hverjum árgangi en tveir úr 10. bekk, og kosið í það árlega. Hlutverk nemendaráðs er að vinna að félags-, hagsmuna- og velferðarmálum nemenda. Ráðið kemur þannig að öllu sem kemur nemendum við t.d. í sambandi við aðstöðu, uppákomur, lög og reglur, tæki og tól o.s.frv. Þeir nemendur sem sitja í nemendaráði funda með skólastjórum eins og þurfa þykir. Nemendaráð velur tvo fulltrúa til að sitja í skólaráði Flúðaskóla. [Hér](#) má sjá nöfn nefndarmanna.

Aðrar nefndir nemenda

Árshátíðarnefnd hefur yfirumsjón með skiplagningu árshátíðar skólans undir leiðsögn kennara.

Verslunarráð er skipað þremur/fjórum nemendum úr 10. bekk og hefur umsjón með sjoppu 10. bekkinga. Aðstoðarskólastjóri hefur eftirlit með fjárreiðum og pöntunum verslunarráðs.

Foreldrafélag

Við Flúðaskóla er starfandi foreldrafélag. Félagið hefur m.a. þau markmið að auka samvinnu milli heimila og skóla, veita skólanum lið og styðja hann til að ná markmiðum sínum. Félagið stendur fyrir fyrirlestrum um uppeldisfræðileg málefni og heldur árlega öskudagsskemmtun. Foreldrafélagið er vettvangur til að ræða saman um skólagöngu barnanna og hvaðeina sem varðar uppeldi þeirra og menntun. [Hér](#) má nálgast fulltrúa í stjórn foreldrafélags og starfsreglur Foreldrafélags Flúðaskóla

Foreldratenglar

Foreldratenglar eru kosnir að hausti, tveir í hverjum námshópi. Hlutverk þeirra er einkum að hafa yfirumsjón með foreldrasamstarfi í bekknum, með eða án samstarfs umsjónarkennara, s.s. að virkja aðra foreldra, dreifa verkefnum, skipuleggja bekkjarkvöld, vettvangsferðir og fylgja því eftir að fyrirfram ákveðin verkefni séu framkvæmd. Foreldratenglar eru einnig tengiliðir foreldra bekkjarins við foreldrafélagið. [Hér](#) má sjá nöfn bekkjartengla.

Náms- og starfsráðgjafi

Guðný María Sigurbjörnsdóttir er Náms- og starfsráðgjafi við Flúðaskóla hún hefur viðveru á mánudögum. Hægt er að panta viðtal við hana með því að senda póst á netfangið gudny.maria@arnsething.is. Náms- og starfsráðgjafi vinnur með nemendum, forráðamönnum, kennurum, skólastjórnendum og öðrum starfsmönnum skólans að ýmis konar velferðarstarfi er snýr að námi, líðan og framtíðaráformum nemenda. Nánar má lesa um náms- og starfsráðgjafa í skólanámskrá Flúðaskóla og heimasíðu [Skóla- og velferðabjónustu Árnesþings](#)

Heilsugæsla

Gróa Dal er skólahjúkrunarfræðingur Flúðaskóla hún hefur viðveru í skólanum fyrir hádegi á þriðjudögum. Skólahjúkrunarfræðingur sinnir lækni- og sérfræðingur um bólusetningar. Hjúkrunarfræðingur til viðtals fyrir nemendur og foreldra þeirra um allt það er lítur að andlegri og líkamlegri heilsu. Hægt er að hafa samband við hana með því að senda póst á netfangið gro.dal@hsu.is. Nánari upplýsingar um störf heilsugæslu í skóla má finna í skólanámskrá Flúðaskóla.

Skóla- og velferðarþjónusta Árnesþings

Flúðaskóli er í samstarfi við Skóla- og velferðarþjónusta Árnesþings um sérfræðiþjónustu. „Í sérfræðiþjónustu felst annars vegar stuðningur við nemendur og fjölskyldur þeirra og hins vegar stuðningur við grunnskóla og starfsfólk þeirra“ (Grunnskólalögin 2008, 9. kafli, 40. grein)

Hægt er að óska eftir þjónustu frá Skóla- og velferðarþjónustu Árnesþings en hún sér um sérfræðiþjónustu á sviði sálfræðiráðgjafar, kennsluráðgjafar og talkennsluráðgjafar. Nánari upplýsingar um [Skóla- og velferðarþjónustu Árnesþings](#) má finna á heimasíðu stofnunarinnar.

Heimasíða / Facebooksíða

Heimasíða skólans er upplýsinga- og samskiptamiðill Flúðaskóla á Netinu. Þar birtast reglulega tilkynningar og fréttir úr skólalífinu auk almennra upplýsinga um skólann, starfsmenn hans og nemendur. Á heimasíðu skólans má finna helstu upplýsingar um skólastarfið.

Fjölskylduvefur Mentors er á heimasíðu skólans og þar hafa aðstandendur aðgang að nemendalista barns síns, heimavinnuáætlun, ástundun og fleiru. Foreldrar eru beðnir um að yfirfara upplýsingar um barnið og þá sjálfa ef einhverjar breytingar verða s.s. nýtt heimilisfang, símanúmer eða netfang. Foreldrum og forráðamönnum er ráðlagt að líta a.m.k. vikulega inn á heimasíðuna til að fylgjast jafnan með nýjustu upplýsingum úr skólanum. Vefslóð heimasíðunnar er: www.fludaskoli.is, Flúðaskóli er einnig með [Facebooksíðu](#).

Viðtalstímar og tölvusamskipti

Allir kennarar skólans eru með fasta viðtalstíma á stundaskrá. Viðtalstímar eru til að viðhalda samskiptum milli skóla og heimila. Einnig er góð leið að hafa samskipti gegnum tölvupóst. Báðir aðilar ættu að hafa frumkvæði að slíkum samskiptum. Alltaf er gott að fréttast af því sem vel fer og nauðsynlegt að taka á því sem betur má fara.

Innra mat

Grunnskólalög kveða á um að hver grunnskóli meti með kerfisbundnum hætti árangur og gæði skólastarfs með virkri þátttöku starfsmanna, nemenda og foreldra eftir því sem við á.

Grunnskóli skal birta opinberlega upplýsingar um innra mat sitt, tengsl þess við skólanámskrá og áætlanir um umbætur.

Skólinn framkvæmir mat á skólastarfinu árlega og eru [skýrslur](#) birtar á heimasíðu skólans.

Matsáætlun fyrir skólaárið 2017 - 2018 er í vinnslu verður birt í október 2017.

Ferðalög nemenda

Haustferðir

Nemendur í Skeiða- og Gnúpverjahreppi hefja nám við Flúðaskóla í 8. bekk. Lögð er áhersla á jákvæð samskipti og góða tengslamyndun innan hópsins. Í upphafi skólaársins fer hópurinn í einnar náttu ferðalag í þeim tilgangi.

Ef um fargjaldskostnað innanlands er að ræða greiðir skólinn, annan kostnað bera nemendur eða forráðamenn.

Bekkir yngsta og miðstigs fara dagsferð að hausti.

Menningarferðir

Menningarferðir eru skipulagðar af stigstjórum skólans fyrir 5. – 10. bekk. Um er að ræða dagsferðir. Menningarferð skilgreinist ferð; í leikhús, í kvikmyndahús ef um sérstaka tengingu við skólastarf er að ræða, á söfn, á sýningar, heimsóknir í fyrirtæki og stofnanir af menningarlegum toga.

Rútufargjald menningarferðar er greitt af skóla.

Vetrarferðir

Stefnt er að útivistarferð einu sinni á skólaárinu. Nemendur 1. - 3. bekkjar fara í sleða- eða skautiferð innan sveitar í göngufæri. Nemendur 4. – 10. bekkjar fara í sleða-, skauta- eða skíðaferð.

Rútufargjald er greitt af skóla en annar kostnaður er greiddur af nemendum.

Vorferðir

1.- 4. bekkur, dagsferð innan sveitar á skólatíma.

5.- 9. bekkur, dagsferð á skólatíma.

Ef um fargjaldskostnað er að ræða greiðir skólinn.

10. bekkur fer í skemmtiferð þar sem allur kostnaður er greiddur af nemendum.

Kostnaður í námsferðum

Óheimilt er að taka gjald af nemendum vegna ferðalaga sem flokkast undir vettvangsnám eða eru að öðru leyti hluti af skyldunámi nemenda. Þó er heimilt að taka gjald fyrir uppihald í námsferðum nemenda, að höfðu samráði við foreldra.

Skólareglur gilda í öllum ferðum á vegum skólans.

[Skemmtanir á vegum skólans](#)

Jólaskemmtun

Jólaskemmtun nemenda og starfsfólks er haldin síðasta skóladag fyrir jólafrí. Á jólaskemmtun er jólaguðspjallið flutt og dansað í kringum jólatré. Nemendur fara heim á hádegi þennan dag.

Öskudagur

Öskudagsskemmtun er haldin í lok skóladags á öskudag ár hvert fyrir alla nemendur skólans í samstarfi við foreldrafélag Flúðaskóla

Árshátíð

Árshátíð Flúðaskóla er hátíð allra nemenda og starfsfólks skólans. Hún er haldin seinni hluta vetrar. Haldnar eru tvær skemmtanir, fyrir yngra og eldra stig. Nemendur í 9. bekk kjósa í árshátíðarnefnd og taka þeir einstaklingar þátt í nánari skipulagningu hátíðarinnar ásamt kennurum.

Í vikunni fyrir árshátíð er unnið að viðfangsefnum í tenglum við árshátíð sem nemendur, kennarar og stjórnendur ákveða í sameiningu.

Vordagur

Vordagur er haldinn um mánaðarmótin maí/júní. Á vordegi er markmiðið að nemendur og starfsfólk skólans skemmti sér saman við þrautir og leiki í tilefni skólaloka. Nemendum og starfsfólki leikskólans er boðið að taka þátt í þessum degi.



Skólareglur og viðulög við þeim (smellið)

Ábyrgð og réttur forráðamanna

Ábyrgð forráðamanna á skólagöngu barna sinna er mikil. Þeim ber að styðja við og fylgjast vel með námi barnanna. Forráðamenn bera ábyrgð á því að barnið mæti í skóla/skólabíl á réttum tíma og í viðeigandi klæðnaði og þann búnað sem nauðsynlegur er frá degi til dags. Forráðamenn láti vita ef um veikindi eða vanlíðan er að ræða og tali af háttvísi við börnin um skólann og starfsfólk hans. Fá barn jákvætt viðhorf í veginesti að heiman er líklegra að því líði betur í skólanum og gangi vel í námi.

Forráðamenn nemenda í Flúðaskóla eiga rétt á því að í skólanum sé komið fram við börn þeirra af virðingu, sanngirni og tillitsemi, bæði af hendi samnemenda og starfsmanna skólans. Forráðamenn eiga að geta vitað af börnum sínum öruggum í skólanum og hafa aðgang að upplýsingum um stöðu barna sinna. Forráðamenn eiga að geta rætt við starfsfólk skólans um málefni barna sinna og fengið vitneskju um vandamál ef þau koma upp. Umsjónarkennarar eru tengiliðir skólans við heimilin og hafa vikulegan viðtalstíma, sem og aðrir kennarar. Fjölskylduvefurinn mentor.is er öflugt upplýsingatæki sem auðveldar forráðamönnum að fylgjast með námi barna sinna. Forráðamönnum er velkomið að heimsækja skólann og fylgjast með starfi barna sinna, en nauðsynlegt er að hafa samráð um slíkar heimsóknir við skólastjóra eða viðkomandi kennara.

Ábyrgð og réttur nemenda

Hver og einn nemandi ber ábyrgð á eigin námi, hegðun sinni og eigum sínum sem og umgengni sinni við eigur skólans og annarra. Flúðaskóli leggur einnig áherslu á að samstarf og samábyrgð ríki í nemendahópum. Þannig bera allir ábyrgð á líðan, hegðun og samskiptum innan hópsins og skólans. Höfum ávallt í huga að allir nemendur bera sameiginlega ábyrgð á að umgengnisreglur séu virtar.

Nemendur Flúðaskóla líða ekki ofbeldi, einelti eða ljótan munnsöfnuð af nokkrum og leggja sig fram við að uppræta slíka framkomu. Það er á ábyrgð hvers nemanda að fara eftir skólareglum og hafa ávallt einkunnarorð skólans í huga, virðing – vitneskja.

Heimanám

Það er stefna skólans að setja nemendum daglega fyrir heimanám í formi lestrar og á það við um öll aldurstig skólans. Gert er ráð fyrir að allir nemendur í yngri deildunum lesi heima fyrir foreldra á hverjum virkum degi. Í eldri bekkjum þurfa nemendur ekki að lesa upphátt fyrir foreldra nema öðru hvoru en foreldrar framfylgi því engu að síður að nemendur lesi daglega heima. Auk lestrarins geta kennarar sett fyrir hóflega heimavinnu með það að markmiði að auka tengsl heimilis og skóla og gefa foreldrum innsýn í nám barna sinna. hagnýtar upplýsingar um heimanám er að finna á heimasíðu Heimilis og skóla www.heimilhogskoli.is

Foreldradagar

Flúðaskóli auglýsir á skóladagatali tvo foreldradaga á skólaárinu, einn að hausti og annan á vormisseri. Ætlast er til að nemandi mæti ásamt forráðamanni í viðtalið, þar sem rætt er um náms- og félagslega stöðu nemandans.

Tryggingar

Allir nemendur sem skráðir eru í Flúðaskóla eru tryggðir slysatryggingu skólabarna hjá Vátryggingafélagi Íslands hf. Í skilmálum segir m.a. „Slysatrygging skólabarna tekur til hvers skólabarns sem verður fyrir slysi í eða við skólann og til eða frá heimili að skólanum. Jafnframt gildir tryggingin á ferðalögum innanlands á vegum skólans hvert sem farið er og í hvaða skyni.“

Vakin er athygli á því að munir barna eru ekki tryggðir í skólanum.

Tryggingaskilmála skólabarna má finna [hér](#) .

Leyfi eða veikindi nemenda

Veikindi eða forföll

Ef nemandi veikist eða forfallast ber forráðamanni að tilkynna það í skólann strax að morgni sama dags og á hverjum degi þar til barnið mætir aftur í skólann. Forráðamenn geta tilkynnt veikindi í gegnum Mentor.

Leyfi

Forráðamenn geta fengið leyfi fyrir börn sín gerist þess þörf. Skemmri leyfi allt að tveimur dögum veitir umsjónarkennari en ef um lengri tíma er að ræða ber að sækja um það á eyðublaði sem nálgast má á heimasíðu Flúðaskóla eða hjá ritara. Beiðni um leyfi þarf ávallt að koma frá forráðamönnum. Ef um lengri leyfi er að ræða skal huga að því í tíma.

Forföll

Ef nemandi getur ekki tekið þátt í íþróttá- eða sundtíma þurfa forráðamenn að senda barnið sitt með miða til kennara, hafa samband við ritara eða senda tölvupóst á ritari@fludaskoli.is.

[Yfirlit yfir skimanir og próf \(smellið\)](#)

Frímínútur

Í frímínútum og matarhléi er kappkostað að öllum líði vel og að nemendur og starfsfólk komi fram við hvert annað með virðingu og haldi góðum skólabrag á lofti.

Allir nemendur í 1. – 7. bekk eiga að fara út í frímínútur og í matarhléi nema veður hamli og umsjónarkennarar eða gæsluaðilar ákveði annað. Að gefnu tilefni viljum við ítreka að nemendur séu klæddir eftir veðri svo þeir geti notið útiverunnar. Nemandi sem einhverra hluta vegna á að vera inni þarf að vera með miða frá foreldri/forráðamanni þess efnis.

8. – 10. bekkur hefur leyfi til að vera inni í frímínútum og matarhléi í Launfit og Kvíadal.

Vinaliðar eru að störfum í frímínútum nánar úskýring er í skólanámskrá.

Mötuneyti

Mötuneyti er við Flúðaskóla, nemendur fá máltíð í hádeginu mánudaga – fimmtudaga, gegn gjaldi. Þeir sem kaupa mat í mötuneyti og óska eftir því að vera á sérþæði, ber að skila læknisvottorði. Nemendur á yngsta- og miðstigi hafa kost á að vera áskrifendur að ávöxtum og grænmeti. Nemendur í unglingsdeild geta keypt sér ávaxta/grænmetismiða. [Matseðil](#) og [gjaldskrá](#) má finna á heimasíðu Flúðaskóla.

Skápar

Nemendum elsta stigs stendur til boða að leigja sér skáp fyrir skólaföng, greiða þarf kr. 1000 sem fást endurgreiddar þegar lykli er skilað.

[Jafnréttisáætlun \(smellið\)](#)

[Viðbrögð við vá \(smellið\)](#)

[Rýmingaráætlun \(smellið\)](#)

[Starfsþróunaráætlun skólaárið 2017 - 2018 \(smellið\)](#)

Skólasel

Eins og undanfarin ár verður boðið upp á Skólasel fyrir nemendur í 1. – 4. bekk og verður Ragnheiður Hallgrímsdóttir umsjónarmaður þess í vetur.

Markmiðið er að börnunum líði vel og fái notið sín í leik og starfi og er mikil áhersla lögð á frjálsan leik, þar sem Skólasel er í raun frítími barnanna því reynum við að hafa umhverfið sem heimilislegast.

Verðskrá 1. janúar – 31. desember 2017 er pr. klst. 317 og hressing 114 kr.

Skráning fer fram hjá ritara Flúðaskóla í síma 480 6610 eða á netfangið ritari@fludaskoli.is

Starfsreglur Skólaselsins má nálgast [hér](#).

Skólasöngur Flúðaskóla

Í Flúðaskóla viljum við öll vera

Svo lesum við lauf og greinar trjáanna

er ljúfur andblær strýkur okkar kinn.

;Kannski fljúga fuglar hjá,

fljótt við þekkja verðum þá,

finnum skógarlund og setjumst þar um sinn;.

;Þett´er skólinn minn, þett´er skólinn minn,

á Flúðum stendur skólinn minn;.

Magga S. Brynjólfsdóttir

og vandlega að nema okkar kver.


;Þar er virðingin við völd,

vitneskjan á okkar öld,

verður það sem stórum barnahópnum ber;.

;Þett´er skólinn minn, þett´er skólinn minn,

á Flúðum stendur skólinn minn;.



<https://sway.com/POf4yT2kNhSauG6i#content=DFIZoTBRTKnX2C>

1 - Hér er hægt að hlusa á upptöku af skólasöngnum.